

ՀԱՄԱԶԱՄ ՍՍՏՏՈՒՐԻ ՀԱՄԲԱՐՁՈՒՄՅԱՆ

Ավելի քան վեց տասնյակ տարիներ զրական-հասարակական, դիտական-մանկավարժական բնդմնավոր գործունեություն ծավալեց բանասիրական գիտությունների դոկտոր, պրոֆեսոր, Հայկական ՍՍՌ գիտության վաստակավոր գործիչ Համարազանյան Ասատուրի Համարձումյանը:



Հ. Ա. Համարձումյանը ծնվել է 1880 թ. Բասուրդեղարում: Սկզբնական կրթությունը ստացել է Նրեանում, ապա ավարտել Բիֆլիսի Ներսիսյան վարժարանը և Մոսկվայի Հաղարյան ճեմարանը: Ուսումնառելն էրիտասարդը 1908 թ. հաջողությամբ ավարտում է Նաև Պետերբուրգի համալսարանի իրավաբանական ֆակուլտետը, և որպես իրավաբան երկար տարիներ աշխատում է Բիֆլիսում:

Այդ տարիներին էլ նա հայտնի է դառնում իր զրական-հասարակական գործունեությամբ: Հրատարակում է բանաստեղծությունների մի քանի ժողովածուներ՝ Վիեննայում, Բիֆլիսում, Պետերբուրգում: Հ. Ա. Համարձումյանը մտերմական կապեր է հաստատում Հովհաննես Բումանյանի հետ, ակտիվորեն մասնակցում մեծ բանաստեղծի գլխավորած հայ գրողների ըն-

կերության աշխատանքներին և որոշ ժամանակ դառնում այդ ընկերության քարտուղարը:

1925 թ. Հ. Ա. Համարձումյանը տեղափոխվում է Լենինգրադ և արդեն որպես հասունացած գիտնական, դասախոսություններ կարդում մի շարք բարձրագույն ուսումնական հաստատություններում, այդ թվում Լենինգրադի պետական համալսարանում:

1945 թ. մինչև իր կյանքի վերջը Հ. Ա. Համարձումյանը նրեանում ծավալում է դիտա-մանկավարժական բնդմնավոր գործունեություն: Եվրոպական և անտիկ զրականության վերաբերյալ նրա կարդացած դասախոսությունները մեծ բավականությամբ են ունենդրել նրեանի պետական համալսարանի, ռուսաց և օտար լեզուների մանկավարժական ինստիտուտի բանասիրական ֆակուլտետների ուսանողները:

Այդ ոլորի հետ միասին Հ. Ա. Համարձումյանը առավելապես հայտնի է որպես անտիկ զրականության թարգմանիչ և պրոպագանդիստ: Նա երկար տարիներ աշխատել է դասական զրականության խոշորագույն ներկայացուցիչներ՝ Հոմերոսի, էսքիլեսի, Սոֆոկլեսի ու էվրիպիդեսի ստեղծագործությունների հայերեն զեղարվեստական թարգմանությունների վրա: Երկարամյա աշխատանքի արդյունք են Հ. Ա. Համարձումյանի հրատարակած «Հույն ողբերգականներ» (1954 թ.), «Իլիական» (1956 թ.) և «Ոդիսական» (1958 թ.) չափածո թարգմանությունները՝ դիտա-բանասիրական ընդարձակ ծանոթագրություններով:

1965 թ. լույս տեսավ Հ. Ա. Համարձումյանի «Մտորումներ Հոմերոսի մասին» ծավալուն ուսումնասիրությունը, որտեղ հանրագումարի են բերված Հոմերոսյան պոեմների վրա նրա կատարած տասնյակ տարիների աշխատանքի արդյունքները:

1965 թ. փետրվարի 3-ին ծանր և երկարատև հիվանդությունից հետո մեզանից ընդմիջտ հեռացավ հմուտ թարգմանիչ, անխոնջ մանկավարժ ու բանասեր Հ. Ա. Համարձումյանը, որի հիշատակը միշտ վառ կմնա մեր սրտերում: